

集部

欽定四庫全書

成都文類卷四十

詳校官左中允臣班五珠

助教臣常循覆勘

校對官編修臣沈孫連總校官知縣臣緣 琪 磨録監生臣任遇春

久了. 日臣 二十分 THE RESIDENCE Carried States CALL OF THE STATE 成都文類 城為近名禪寺有西睦定身 理棟標掲不存往來者弗 扈什紫等 張有成 編

|其前日被賊師枯杖逐出平居忽喚侍者其人應諾即曰更 手曰老子便是一驢師曰山僧為汝跨彼無語後三日復來曰 棲穆嗣夾山善會今定身即東院之嗣也嘗開堂有俗士舉 接傳燈録益州有二禪字異而同音曰西睦嗣東院從論曰 經及清獻趙公成都記畧無半詞紀無則院之不振也久矣 發漫不能知出左券數紙示余蓋偽 蜀廣改施者名氏而圖 之像埃没蛛寒鼠塵鑪無餘灰主僧法縁踉蹡出迎問其與 知為院也余官華陽旦暮過門久而始得其處異日食香訪 金灰四周全書

以居其屬而定身閱嚴滋人雖真骨強勁靈膚堅密不 其此而新之為佛殿齊廳兩挟屋栖止之房庖厨之所 既成集其徒散諸香花聲鏡鼓魚螺設伊蒲之饌以落 人出力嚴之乃施縣緣乃閱愈室神字凛然乃還舊觀 抗不倚然鉛承漫漶相好點昧信者慊之家君始倡邑 緣是法病此院之壞使其徒持簿乞民間徵細積累仍 深夜静共伊商量其機緣止此然一獨可知與味矣先 間禱家君命牛馬走為記余觀世間迷誤之流愛其 もいいの

自武擔循城而西林樾秀美景物清潤有家发然峙于 光定力烝休膠固歷却壞而自如乃知一切法以愛故 鏡之石以識歲月紹與十六年記 具足而余乃以世間情想讃歎刻畫豈真知師者那姑 達者則不然棄之尸他林以飼鳥鳥初不以為難而戒 壞舍故常在豈謂是耶雖然一受其形成就破壞固己 幻軀不啻金玉然數十寒暑則老死翳減飄為煨塵彼 永慶院記 孫朝隱

欽定匹库全書

巻四十ま

宫殿以墳墓為陵寝而此佛利因之以與曾未数年而 寅之憂遂為西郊淨坊之勝方王氏之與也改聽堂為 方錫名永慶以栖雲水之侶更涉五世棟字黎察臺殿 顏則王氏追崇掃酒之地也本朝崇寧二年始草為十 金 繩實界坐侵星月之光起於紹與乙五之春成於 丙 方長者鳩村傷工草而新之廢址頹垣忽聳凌雲之棟 城隅者前蜀王君光圖之墓也傍有永寧佛宫桃墓之 領地時有此丘法號道寧慧力梵行人天歸敬遂率

欽定四庫全書 跡其巧力當與天地無窮也後之安禪選佛於其間者 煥然一新自非為佛棟梁以垂裕後世為心誰至是哉 與作之勤化出宫殿樓觀於摧残尾礫之中厨堂郁無 宇因而不改遂使祥雲佛日輝映遠近至于寧公不憚 可不念諸紹與十八年記 狐兔已棲於楸松之下矣聖宋龍與削平偕偽紺祠琳

世出世法從一心起心有染淨遂分真妄妄心雜染祭

大中祥符院大悲像并閣記

馮娥

減空滅既滅寂滅現前忽然起越世出世間十方圓明 於聞中入流亡所所入既寂動靜二相了然不生知是 觀音如来法教以從聞思修入三地大士依而行之初 佛以妙用而為之救拔自昔觀音大士爰因曠切奉事 く・うう 獲二殊勝一者上合十方諸佛本妙覺心與佛如来 同 漸增聞所聞盡盡聞不住覺所覺空空覺極圓空所空 為聚生心真則為諸佛衆生以塵勞而墮於輪廻諸 八萬四千塵勞真心清淨出生八萬四千妙用心妄 J. LI 成都文類

之多者何也蓋觀衆生苦援而置之安樂之地惟手眼 生得大自在夫大士救衆生之苦一身之中必取手眼 或滅或定或慧手之所運或執或持或提或引救護衆 塵勞造八萬四千惡業受八萬四千苦報惟上與諸佛 四十清淨實目示八萬四十母随羅手目之所視或慈 同慈力故所以等齊諸佛具有八萬四千妙用現八萬 惟下與衆生同悲仰故所以憐愍衆生具有八萬四千 | 慈力二者下合一切六道衆生與諸衆生同一悲 仰

多定匹库全書

以香花燈燭珍果飲食而為供養祈福禳灾解難除厄 **苦而共樂大士既具八萬四十手眼而無刹不現無生** 生而校其苦哉且目以觀見為義如大圓鏡有相斯現 不度所以十方世界或雕或鶴或塑或畫綠繪其像而 有八萬四千来則治之惟能廢治則可以盡拔衆生之 之業而受諸苦手以提拔為義如大醫王有病斯救病 有八萬四千来則照之惟能照察則可以周知衆生 以致力價於世人僅有兩手兩眼疇能善見受苦衆 うしょこ 吃罪文題

悲等咒仍歲化五十家修設圓通道場以所得施利! 孫長講賜紫沙門法珍發心於紹與十六年勸誘闔府 屋宇共四百間最為宏羅中有暖堂年遠頹壞公七世 也然今之世間所刻之像止取干数者以過是則非智 檀信千家遇本命元辰生朝諱日即領二十僧為持大 有八萬四千種無不立應皆稱衆生祈求之數而應之 巧所及姑從中制而為之耳成都府聖壽寺內勅賜大 祥符院院乃偽蜀相懷靖公王處回拾財與建堂殿

**金定匹库全書** 

人己可見合語 嗚呼人總兩目不可青以並觀人總兩手不可責以兼 豈惟為衆生植福免難之場實趣菩提沒樂之妙門 親千手咸運無方不照無苦不救一切有求隨感隨應 髙五十四尺於紹與二十二年三月七日閣就奉安聖 春即故暖堂基而稱像建閣閣廣九十尺深七十八尺 像於其中像如閻浮檀金聚而為山晃耀一切千目咸 冬 像成立高四十七尺横廣二十四尺復於二十二年季 十七年李春役工雕造千手眼大悲像至二十一年孟 1 成都文類

金月口屋台 然人熟無耳耳熟無聞僕能各各返聞以聞自性自性 多同時運用而用無不當奚為而能是耶究其所分在 以赴衆生之求求則應之而應無不宜也豈獨觀音能 有心無心之間耳九人以有心逐物逐此則忘彼逐彼 依如是法文殊之言豈欺我哉 則忘此大士則以無心而應一切故能現無盡之手眼 用大士千目之多同時照觸而照無不察大士千手之 得成無上道是亦觀音而已矣故曰未来修學人當

火尼四日合等 堂擇法勝地屋翼華與海泉霧集人傑地靈念念禪悦 憫之彈指說誓願整囊膏立長生庫舉其贏息永為膏 堅左綿沂公年德兼文界踐網維之職歷見是事惻然 易難事生疲厭或曰為法燈来受世燈苦辨道之志不 炷 明燈其来斯义膏蘇不繼例遣堂僧分化遠外緣有 凡與 夜寐甚者幾廢寢食由是佛龜齊堂 偷廊後架列 有法燈有世燈法燈水乳相傳世燈膏火相續昭覺雲 昭覺僧堂無盡燈記 1 成都文類 計有功

豈自利耶二士曰沂非自利亦非思念今日在會法泉 獲天眼第一求文之大意如此 讚歎而言曰夫捨家求 其旃迦等佛皆施燈而證果今求者施者沂獨以身任 因燈行乞授記作佛號曰然燈最後次彌燈光如来淨 同袍掌其事講若畫一造始紹與丁及之元以獨慶為 火之資俾我有衆專精進心息經營力僉議允協選擇 而已願我同志以無盡心續無盡光結無盡緣俾人人 禪又求記於灌園居士居士曰佛過去世密羅比丘 න

虎狼為伍使人以操修入道其安逸也不耕不織百用 具足使人以慙愧入道今也管管馳求則固免矣而乃 心傳千萬億心心心明微前念法燈若世燈千身一古 向燈影中行讚曰以一燈傳千萬億燈燈燈分别以 若其發蒙破部珠交玉映則有堂頭緣公大法炬在慎忽 優将卒歲謂吾當然此真慙愧也衆其勉之吾意止此 道身不可不辛勤心不可不安逸其辛勤也山行水宿 據世燈悟法燈 5 一堂十月幾人親到龍潭當機直截 戈耶と気

欽定匹庫全書 無盡藏 外萬物形状變化之情人愈即而無窮也測而無得也 聖人觀萬法而返於一而其極也一足以涵萬流行散 以運量至此伊誰究之而誰識之邪意必有虚而明圓 逐之而無及也浩乎巍然詰其何自而一與夫一之所 徙揮綽洞達上足以抗太虚入窈冥下至於融八紘内 劃斷明頭暗頭真滅正照現前天開日晃此無盡燈出 金繩院觀音塑像記 員與宗

為莫尚乎休復於一以致用所謂觀音大士者最其全 くこうし 然衆生不復於聞而大士獨曰聞復何謂也曰是非天 也 聞此其所以為聞也與或曰吾耳之性猶聖賢耳之性 盡非有萌於物而有意於聞也衆萬控搏舉不外吾之 聞自具衆機不張而一真內澄是以聞薰聞修聞所聞 而静返流全一 者也彼由聞而心圓照物未致而心自融心未起 循聞之本非自外入非不外入也何獨大士云耳哉 201.1. 者之得之也皆者吾窮乎西方之學以 成都史切 而

若使眾人叢聽於康莊之遠心之不冥而境之眾多也 遗聲以契妙契妙以合一混混洋洋吾不知因聲而後 聞者也其聲氣之接疾徐奮蕩往来憤啓之變善聞者 之融於中而泄之金石者天下非固求聞而有不能不 之間虚空與一氣之相遭而律之本於是馬生彼其樂 賊孰哉欝欝乎是其中有佛一者乎今吾試窺諸天地 下之所能備也衆生以聲緣桡心吾聽內謬則吾真內 有聞邪因聞而遂有聲也是二者其真為一乎其異邪

**稣定匹库全書** 

則 者吾先兆乎常變作止之意耳執一則廢一執宫則羽 者必返於聽之初形充空虚其来無止其去無朕了衆 於六用迷惑而不可振者斯已矣故夫古之聰聽於樂 樂於寂然之初而後衆音之所不得追此天下之至聽 自名於為聞其果有得已乎抑其無得也如知其無得 **廢執羽則商廢始馬心迎而距終馬聽雜而流若是而** 知衆生流浪為聲所蔽既以倒聞為機蓄聞為誤至 九奏乎吾側清者濁者疏亮者直而係達柔而曼行

見野こ員

欽定匹庫全書 院主僧道如者喜誦大士之教而銷諸學常以為金 生減翳除故聞復則道惡乎往而不聞聞極故圓妙 猶未數數然也惡覩所謂能贅其聞矣哉成都金繩禪 沙國土同一悲仰體於無窮而化於無垠大士之本聞 以至干萬億佛同一慈力雖一國土他國土以至恒 聞惡乎往而不可真聞現前而十方平等雖一 而况聖賢自性聞聞者子今彼大士以一精明而離 而君子充其類以治性者也然則至聞無聽而後為聞 巻四十ま 佛二 佛 河

霧花葩竹石青紅晃荡跛曠簡遠之意率皆匠之於心 玲瓏宛轉與夫前施後列逸浪層崖恍惚怪怒祥雲瑞 為著大士入道之因且繼之頌曰我觀世問人種種患 致禮因禮生悟其不在兹予陵陽員與宗見聞妙羅即 應沛乎其技之妙而妙竟不自知也異時觀者或因像 窮之無端而視之無涯神造思設豈所謂融然受勃然 具衆實香檀搏土為像衣金螺糾珠瑟炫耀法帶卧具 之地塔廟勝處也觀音之像闕馬於是戚馬以憂敕

力 是聲本涵聞非以聞故有而諸妄執者先循聞所在 飲定四庫全書 聲以為聞是聞非真實如是倒聞機未幾聞變滅循聲 者譬彼遊都城忽聞衆樂作遊鼓及鐘磬祝園諸琴瑟 無 者以致無量刼及恒沙國土皆以聞攝入各究竟圓通 故流轉旋流發無妄如文殊所說稽首觀世音不住 明一根不銷後六用自成障聞既不可得况自聞聞 相覺寂開自融聞性圓滿故心精既遺聞是則真聞 即

釋塵勞敬禮光明像顏一

彈指頃修證亦如是

約孟子養浩然之氣皆盡心知性之學也其與釋氏忘 其教至使人主去王食而為奴隸虚禁禦以合朽骨 徒始盛唱禍福神報應聾瞽末俗求尊大其師以自售 用中文王之不識不知夫子之無我顏子屢空曽子守 自 死生屏皆愁離塵垢蓋同道矣至齊梁隋唐間為佛之 漢永平而上中國未始有佛然堯舜之無為禹湯之 倡於上百人和於下而禍福報應之說根婚本固於 起悟院記 郭印

六府帥席公旦請于朝頒絲錢改建超悟宣梵嚴淨三 大慈寺曰聖慈唐至徳初所建也合九十六院地居衝 禪宇九為屋干楹且聞龍宫以藏具葉規撫恢敬氣象 超悟則命僧文英主之英承灰爐之餘鳩工亢徒創建 刹使學禪者居超悟學律者居宣梵學講者居嚴淨而 會百工列肆市聲如雷政和二年冬火其旁小院十有 是福不我臻而禍凛凛也嗚呼愚哉豈佛之意哉成都 天下牢不可接營宮室侈塔廟廣僧尼惟恐後曰不如

欽定四庫全書

囂塵煩汗之聲可喜也雖然院之廢與於佛何有音持 則 地菩薩平治險隘修作橋梁毗舍如来謂曰當平心地 三門以絕之請後自建火乃止而三門復新師用力勢 百畝以備桑門之供師死嗣子義登義全各益以家田 世界地一 院始無田師合施者金錢且請廢寺之產於官成三 誘福唐朱氏得百畝故能耽耽為大叢林無復異時 特始成而旁院復火勢且延及師函白府毀正寺之 切皆平師前知方寸之間具大寶利巍巍

其事予舊接師也故喜為之書 聲妻子知師志不可奪棄去以故聲望愈高四坐道場 萬里入蜀訪之師絕不復見堅坐一室歷三日寂無人 住超悟二十餘年而沒義登懼其師之功不彰求予記 堂堂鎮四天下火不能烧水不能没雖八萬四千浮屠 安在哉師姓蘇氏泉州人往来商成都富鉅萬留意禪 實塔之功有所不及互問浮提皆起悟矣禍福報應果 悦忽若有悟盡捐資移書别妻子祝髮於嘉祐院妻子

欽定四庫全書

出唐乾寧而龍見僅自吾宋慶歷觀舊應有名不應近 畆 為殿宇廊在两序百楹像設土木丹碧則道士楊慶 遂以龍跡名之觀基趾起於進士年誠等施之為地十 成都府二十里有道士觀本乾寧問桂州功曹楊素之 隆 唱之小師桂悟真和之而一觀之體用具矣按割觀 西来投入觀之井白霧三日吐火珠如彈浮水上土人 故宅九幽拔罪經云李真人嘗居之慶歷問有白龍自 龍跡觀記 **筑 即 丈**頻 李石

士善護此井以無忘龍所宫則祈禱香火之集永永為 世俗之名乎大道無名聖人無名凢可以強名而見於 此觀無窮常住亦一助也異時樂事君子與龍策熟聞 走江海則龍之功豈特岷我一方惠而已乎吾將獨道 之雲而施蔽天之澤三日之雨而為早歲之利扇風霆 取龍見之祥而為龍跡之名也柳亦前未有名而漫爾 曰道曰聖寓人於龍則觀之取名為不恆矣况夫膚寸 有為者皆非其真也不得已因其變化至神鼓舞妙象

對定四库全書

ここうし シュー 欝有氣象矣主香火鄧處厚遂首駕面雜作於塵上中 来拜幽堂躬餐祀是時所謂通真觀者兀然殿祠外枝 小龍見觀之近江水中併書以紀異 成都校藝秋官来山中介斧丁丁土木之功過半已鬱 撑破屋數椽餘皆榛礫之場也後二年子自蒲頓街檄 紹與甲子予既遷矣先君於學射山之麓歲時失臘化 **俾拜敕書之賜以侈龍之威靈抑未遲否又云時有** 通真觀捨田記 -或即火頓 周時

光炯炯凡言古凶 禍福如龜卜燭照少無差人爭見之 者世以赤脚號之混俗道養神全氣固美鬚髯紅頰 **到近四库全** 謹次第言之皆如見最後一女子作禮甚肅羅曰既禄 不足以任真人之责盖事有權與不敢不告有羅先生 在人也處厚曰山野無動人之具惟辨一心以對天恐 拂衣相顧揖且笑語如平時處厚同里門丱歲相周旋 素知其誠樸髙行勞問人之因謂天下無難事與廢果 日出城之北門謁知府郭公舉家烧香拜跪環立 **卷四**: E

之其夫何某受命調温江尉及得子皆如其說或曰學 之供處厚又取其地利之積入修造附益其觀施而枝 色之處厚者不之覺羅歸曰可矣遂捐田百畝為齊厨 射山通真觀火廢欲施其財而未决羅乃徒歩問道物 食又有子恐告於壽惟於荒廢寺觀作大緣事可以延 孫思邈爾朱先生者不一今羅先生實其流輩耶至於 山高水深固多隱士異人往来廛市間異時如朱桃椎 梧之至紹與二十七年觀成併得其田以歸爲乎蜀之 THE STATE OF THE S 成都文類

**吹定四車全書** 

對便殿凡邱民察吏治邊御将之法皆蒙面加訓敕委 而知之然一念之誠上通於天受天之祐亦人事之化 月與辰臣實承詔安撫制置四川兼知成都府一再引 然者故併書之以為善念者之勸 抑夫壽有數而神符秘咒果可以損益之也予皆不得 紹興二十八年臣剛中以書命代匱西掖會蜀闕帥九 田而易年坐了其香艾假脩短之論以與其化從邪 重修安静觀記 王剛中

范十秋督之閏月甲寅定役十月已酉記工凡為夫 萬二千一百有奇為錢一千五十三萬有奇為門為蓈 步規模象設俱壯麗視舊不侔矣調用悉自官取織室 為殷為閣為齊廳及它屋總九十六間增廣故基三十 治靈泉令何令望来謁即諭上意仰經度遣通判府事 之此皇太后肯也臣抵慄拜命越明年四月戊子至所 詳盡既又曰成都之靈泉有朱真人觀久不葺其益

欽定四車全書

弗敢擾民臣已繪為圖復于上念不可不記其本末謹

成都文数

彭城不但蜀也而蜀人事之尤謹若夫升聞九重感悟 萬乘降心加禮如今日則真人博大之風殆非世俗所 方專務教民疾苦賢士大夫往往遇之或在長安或在 周隋之間歷武 德貞觀得道仙去 莫知所終然浮遊四 則與齊蓋公所言治道贵清淨而民自定指歸客同寶 能窥測者抑當觀廣萬二長史事迹揆真人肖懷本趣 按妙通真人姓朱氏其名字載新唐書隱逸傳養生於 **軓怙威喜殺欲吏真人真人 輛逃去贈遗珍好弗約也** The state of the s

髙士蕪慈惠務教化真人乃出見之及詢以政真人 視不答士庶亦黙識此曰是使我以無事治蜀也因簡 寧五年記也觀名安靜重和元年記也今觀皆一新惟 無幾不負聖天子所以屬任之意馬真人錫號妙通崇 とこり三 公曾記其異兹不敢更造云 煨爐獨此繪像火弗能及風雨飄搖粉墨故在趙清獻 真人繪像寒廣政問周元裕所為中更順賊之變觀悉 目薄賦飲而蜀果大治臣雖不肖竊顏自附於士產 A duis 成都文類 t

指之列也淳熙甲午道人某主院事百廢具與乃作五百應 久三丁員公司 成都諸利以昭覺正法為大保福信相等次之金繩未在屈 欽定 四庫 全書 成都文類卷四十 祀 寺觀六 金組禪院增廣常住田記 成都文類 扈仲崇等 姜如晦 編

李元有施二十六畝直一百八十萬錢潼川僧曰道方施二十 龍天護持道俗趋向出財市田以廣常住者相繼而至有河 真品洞其裝嚴殊勝不在潼川洞門下諸方蓋莫及也由是 沙世界七寶布施得福雖多若以四句偈為人演說其為福 四大利當有日矣然以金剛經觀之若人以三千大千恒河 無窮則福力無量施者受福當亦無邊而金繩之田甲乙於 畝直四十萬錢凡此皆住持道人願力應真大士福力願力 東太原之鄧景亨者施十四畝有奇直一百四十萬錢成都

金万里尼台灣

蔡氏主事者皆繪其像於功德堂之未而記其遠日於 之足矣何言僕曰唯唯景亨之室曰衣氏元有之室曰 安得更有四句偈為他人說耶施田受田儻有來歷記 日語也住持笑日老僧告無卓錐之地今又無錐可卓 施田者就使彼施者展轉演說證一切空則大地眾生 敢曰住持者人願以廣長舌數演微妙義舉四句偈為 徳勝前福德益如上 所施是福德相非福德性也我 今 入如來性功德藏視彼項畝斛斗之施之福未可

次 笔 日 年 於 智

成都文類

金グでたろう 軍與世成都府路安撫為四川安撫制置使别置官屬 院在唐名東禅在偽蜀名龍華國朝鳳州太守王蒙正 大殿三相屬於東偏大中祥符元年始賜名金繩建炎 斥而大之梁柱宏壮為諸方冠其建置如禪規外又為 **興時則付之後來者故併書之以告來者** 殿繪事雖富而像設缺馬有司便其空闊即用為官 解舍院綱坐是顏委幾五十年乾道庚寅上命 金絕院五百羅漢記 前人

**尺足印屋公言** 皷惑衆者謂熟决不嗣文志熟刻苦經畫錙銖積累儉 勒像未施金碧而文歸寂今住持熟公繼之熟以己未 閣待制廣漢張公震知成都罷制置司官屬一 春正月不假方便諸聖推出來住此利始至有立魔論 五百大阿羅漢請閱四歲像設才二百於其中殿作彌 日之不復者乗其問嚴像設以補異時缺典社後日館 **瞻棟宇雄壮偉麗長太息曰制置司與廢無常安知後** 解之害不亦善予於是命僧子文領院事諭意指文以 -成都文類 日公廟

多分四月全書 落成大師內翰胡公從佛地位現官僚身具大正見觀 薄受用之頂散文所散用文所使終文所事一毫不易 察無量壽佛事從三昧起而作是言當來彌勒號稱次 魔論乃息未幾何施者雲委不謀而同乃闢前殿以為 補三十二相則已裝嚴云何釋迎大實覺王世出世間 現龍官海藏之會儼然未散歲在戊戌大功德藏相將 洞户貫三為一成大實嚴應真妙相周廻問錯無量變 人天師能轉聲聞入佛知見而於此刹實座從虛警 卷四十一

大王司百百百百 宗主乃即後殿施紫金檀作釋迎像與彌勒稱五百相 者安能如是巍巍堂堂也哉院枕繁闌酒坑強穿盗山 佛事何以週此靡金錢一萬萬而住持足跡未嘗一 我世尊法華會上眉間白毫所照世界所現瑞相所作 户庭自非具本來福德藏修本來福德性真應於事相 好有不具者俱為足之前佛後佛共轉法輪與諸羊車 如公朝千官百碎衮晃巍峩森列殿庭至尊不臨孰為 作大教主諸修行事諸化学法周遍實坊靡不異具雖 成都文数

湍足心化慳鄙人發檀施心化嗔恚人發歡喜心化殺 化散亂人發禪定心化淫穢人發清淨心化貪盜人發 起信轉大苦海成大善林化愚癡人發智慧心化暴急 無量苦事種種見成如蟻旋空以苦為樂畫夜觀歷而 殺海勢席許恒財燒氣斯惡習盤結周迎四隅境風業 不覺知是則名為可憐憫者令於其中即事亦相因相 人發思辱心化賴情人發精進心化傲慢人發恭敬心 刹那際推菩提樹焚般若鐘鐵國深固阿鼻暗黑

大三日本八十二 第一又白世尊我從空生證解空果成無上道即是義 減 须菩提常白世尊阿羅漢道從無諍修無諍三昧人中 有如是大功德海惟喜頭脫精首作禮住持問之曰昔 心生怨悩未有咨决又聞如是大都會中有大業坑復 境諦觀凡夫作諸妄業受諸妄報王侯螻蟻共一苦聚 諸來觀者殚指讚歎得未曾有爾時有一居士自儿夫 害人發慈善心化妄談人發真實心種種心生種種心 弹指項拾惡超善其為競益無有限量無有窮盡 成都文数

藥猶墮有為但此界中諸有生者染病方深云何勿藥 正修行路不空界中開示真空本寂減體雖則對病設 賓客境窮露無可谁何今子於此有詩界中開示無詩 空者皆体粗濁事相而立認賊為子返為賊媒自叔家 觀無諍及空是阿羅漢滅妄發真二大法門我觀世問 立見界自為同異於普佛境失善物性又觀世問諸不 種種障業皆從静起静心一前河沙國土微塵衆生各 切有請一切無畢竟無中藥病兩亡事理俱很惟

金いびでをとうで

ととりらいたち 辯於千載後無見見中親見臨際我於此老承事供養 昔者南遊諸方至於何山見一威猛大師子王寓名曰 兹乎住持顰處而言曰嗟乎哉是何子之多事也老僧 我總不知但以前日創建已有其緒成功不毀姑為終 經歷年歲寂無所知忽從户外賣菜中聞師子吼我於 病與藥總成昨夢露地白牛卓然獨立子之一所志其在 頭飢來即食飽來即睡十二時中一切平常如子所說 爾時性命俱斷悟本來空無得而得令於此利作粥飯 成都文類

强生分别作善惡想立取捨見何山所得如是如是居 多分四月全書 使司收之全三光五嶽之氣以一天下故受命之符有 緒言因以為記 士曰咄龍生龍子鳳生鳳鶲四海老熟名不虚得筆集 之諸世界中及世界法總是大阿羅漢普通道場無用 開必先兆於多事之日培夫太平之基誠非偶然者漢 臣聞天之所以開聖人緊必有所因也益將盡界所獲 玉局觀崇禧殿記 胡元質

大臣日奉白日 成都文類 明天為之生勇智天為之錫實濟世安民混一六合之 中原做擾太上皇帝追追汲汲紹開中與而所以終其 年歲在丁未十月二十二日實誕彌之節也方時多艱 相繼皇帝陛下膺天歷數應千歲河清之瑞維建炎元 應史臣持書豈非天開聖人之明驗耶天祐皇宋聖聖 興之兆見於建平之初元其年甲子降生之夕休徵嘉 之光武三代以還中與之功成於建武之盛際不知中 功者庸証知夫天意固有在耶濟陽赤光光燭天実聰

休臣不传深有慕馬爰率旁近部使者同出編錢即 之壽若天保之歸美報上天子萬年若常武之對揚王 崇之禮所當先者臣代匱師蜀兼守是形竊惟如南山 帝元命也肯華山為明皇本命旺氣之舍猶禁不穿治 之西南有觀歸然按道書耽便嘗說經此地湧出玉局 金罗正是白雪 矧皇帝帝徳廣運咸五登三其元命所主經見甚白欽 資聖人之所獨得於天者太平所絲基也成都府府治 因以名觀列二十四化之首在甲子中丁未實主之皇

其命哲命吉山命歷年其命均出於天而其所以命則 武官朝弱祝萬歲壽于庭永為桑典爰則以聞乞賜之 穆不已臣敢拜手精首推其意而言曰在書有之今天 命下之日歡聲旁認如霆如雷甘謂吾君壽富熾昌於 名以示無窮崇奉之敬維冬十月有古從之錫名崇禧 **機託工每遇會慶節正至三元與夫元命之日敬率文** 帝隤祉錫美之地乃淳熙五年夏五月經始歲行既周 觀創建元命殿旁挾兩無規模氣象極其雄嚴以為上 成都文数

者也歷年之久長子孫之逢吉命雖不於常而福善之 或有異馬豈非天以眷命而生聖人聖人當修德以應 而充之至於齊家治國平天下皆聖人修德以答天命 益不於其所可恃而敬其所可勉也故自正心誠意擴 以翼翼夫以帝王之绝德皆天所授而躬行若是力者 之齊聖廣淵而輔之以慄慄文王之聰明齊聖而輔之 文思而輔之以兢兢舜之浴哲文明而輔之以業業汤 天命耶命之在天修之在人願所行何如耳竟之聰明

激之澤涵永泰和之時可察見也宜其同心愛戴飲食 恩惠浹洽如此其暢則夫幅員之廣生齒之泉漸被汪 起捐齊於溝中者又不知其幾億鉅萬也蜀去天萬里 但馬乃出緡錢每歲為之蠲減幾二百三十萬稱有畸 天區站以蜀言之如酒之估重鹽之額浮茶之課溢關 親厲勤儉以率下政修化行願溥海縣道豐仁洽布濩 至斷可必皇帝陛下聖緣天縱德妙生知為爱敬以事 外和雜之擾變路上供之費沉痼百姓幾年於兹聖心

臣何幸身親見之淳熙六年十二月日記 長與地同人與日月不息與維斗不感億萬斯年寧有 年天地之數離必合安時處順晦養既久發勇智於天 聖而不可知之神固亦難以涯漢矣自雅多事將六十 必祝天鳖昭斯如在左右無疆之錫無窮之基與天同 威運聰明於神武其傑熟能樂之生於多事之際甲子 紀極耶若夫沉樂客運規恢遠圖厲志復古帝念甚烈 周身及太平天命顯著為禧之崇其有加於此者哉

たこりまから 同而黄老之學真有益於治道也朱雖仙去猶春者不 條目薄賦紋蜀果大治君子以是知朱公所懷與益公 棄得一瞪視之識其意曰是使我以無事治蜀也乃簡 世謂黃老之道與儒流異而不知清淨無為即吾何思 何慮思無邪之就也膠西盖公得其學授曹公參參以 之治齊治漢皆效唐蜀郡朱公隱今之靈泉澹然自守 介不妄取實長史軌以禮羅之委珍縣通去獨高士 靈泉縣安静觀改作十方記 成都文類

皇以皇太后古命師臣增修其字淳熙四年秋内翰給 忘生靈浮游世間以療疾救苦為務蜀人即其故居,祠 多只匹库全書 韓元修開山住持韓卒命法嗣孫克勤繼之鐘鼓益新 遣使禱於祠下不崇朝而雨歲乃大熟公感之而患其 徒之不肅也遂改為十方自青城山召明素守静大師 之聖宋賜額安静觀錫號妙通真人紹與二十八年 四方施供益至氣象恢然視前不侔矣先是公之政以 事胡公奉詔安撫制置四川兼知成都府越明年夏旱

人足り見らり 韶後世也真人諱桃椎其詳見唐史隱逸傳公名元質 十年之與一旦婦去凡所設施秋毫弗擾殆與真人心 清靜寬厚為本拔寒素修軍政服夷狄舉鹺名酒課五 鈞軸推其道以治天下當出曹公治漢之右豈特治蜀 契神會不待得於眉睫而後知之也那人含輔鼓腹安 公之政用是建生祠于觀之西繪公像以事之輔以門 下士伐石以記非獨示一時改律張本抑述公之德以 江人今以數文閣學士中大夫被肯因任異時歸東 **29** 成都文刻

金罗巴屋石電 建無量壽佛之像以資冥福久莫之得因其父參政敏 如其治齊而己哉區區士廉有不足道者此真人點望 以麻疵閉肚静深可為佛宮而其下蕪穢弗治夫人有 於公如是而輔之所以樂書也淳照六年十二月日記 公之夫人魏氏以其弟軍殺监及权介大祥欲擇勝地 淳熙六年正月二十三日四川制置使敷文閱學士胡 公韓日設供於昭覺禪寺至庫前見穹屋十數楹翼 昭覺寺無量壽佛殿記 王正德

年過而遊馬者幾千百人而曾無一人發之雖久否則 **僖淦補其玘闕益以丹青之飾光采呈露而殿益華好** 相而壁之塗忽有剥落者視其下則得有畫宛然即西 方變相也僧老環拱歎嗟以為異事夫人亟命工盡去 揭之復念傍壁汙壞弗稱巨麗將飾而新之繪西方變 像成設坐几窓牖几供具又命其女慧齊大書殿名以 克稱西方氏之居邦人和會**置城來觀以謂此屋間百** 感馬於是規度面勢整修壞随遂建無量壽佛以居之 成都文斯

冥福净土道場於是備矣或曰夫人為是佛事福田利 馬又命工推塑觀音勢至二像于無量佛之两旁以資 與其生之日時俱同固知壽天有不得而加損夫人痛 豈道心默契顯晦固有待耶夫人第三子通仕胡紳幼 耶方敏肅公坐廊廟布大政于天下盡還遷客於南而 益不可思議余日夫人之心豈誘於福田利益而後動 而敏悟素所鍾爱次年十月五日偶以微疾不起死之夕 倾久晦則明物之理也然非夫人之德則無有發之者

卷四十一

ころうるこう 學業於西方氏之教者自以為弗及是豈偶然者哉余 於釋氏曹不知境至是若有得馬故為記之而又贊之 又書妙法蓮華經七卷口誦心惟洞達與妙雖老師宿 幸學者又刺指血書金剛經彌陀勢至經以薦考妣今 經垂二十年而今志益厲既書楞嚴圓覺經録之木以 非福田利益之尤乎夫人性根於仁定生於慧宴坐幽 令大學公又厲砭石以起西蜀之病夫人葢有助馬是 切心具一切佛彼居飯之弗見抄忽匪心則然如 成都文類

上遇其徒授之秘方期不泄於人世所傳多此類也或 啖食草木土炭諸臭惡物達人不擇貴賤肆口罵毀至 古之優者或說服變名姓伴狂市井間人莫測其為或 多分四居全書 以无石擊走之或事化升砂水銀諸不死之藥往來海 四千一毛竅中我聖有作毋以一唯訂之西方理 大明月微雲過之顏倒毛髮惟定于一內明外通八萬 二战出頌言擊蒙刮替導揚佛心垂戒終古 新繁縣朱真人祠堂記 基四十一 劉光祖 一無

欽定四庫全書 — 門 罕能之使人能終身不二價則赤子之性常全終日不 常常喜道朱真人事讀茅茨賦恨然知其為隱者也其 **馋者無他惟修心養生二事而已矣惟其純一不變入** 作杖卷竹葉而為巾余雖不能然也而意殊欣然慕之 至其終篇有曰口無二價日惟一餐於是置卷而數曰 言有口壁崩剥而通風簷推頹而瀉日又曰削野黎而 云有陰功者亦得白日優去是皆不可疑其有無而余 再食則沖虚之氣常集其於像也何有修心以保真養 成都文数 卷四十一

逸傳然後知真人之事非有荒忽詭異之跡而皆可究 生以鍊神其為道也簡易其為功也悠久余當改唐隱 每於夢中以樂石愈人疾本朝崇寧問賜號妙通真人 不言其所終至今其並顯晦不常然而人所共傳者每 也以米岩易之鄭取去終不與人接其所為如此而傳 烏能識夫人不言之妙哉織芒屬置道上人曰居士屬 也裂冠毀服窟匿林莽問彼實軌者方以多殺戮為治 固高人之所都而不顾也雖萬士康粗知安静之理亦

欽定四庫全書 火 堂之歲月有不以廢與為存亡者不必記也淳照八年 之兄遲必欲得余文記立祠本未余魯鈍性不喜外舊 竊於真人之道有感馬故樂為李氏兄弟書之若夫祠 隆道觀新作祠堂者鄉貢進士李溪王婥率其邦人之 六月日記 為也余與李氏兄弟交重其能以文學相繼取科第葵 **比歲蜀人信事之益多邑有其祠家有其像令新繁縣** 藥師院記 成都文斯

盡者堅頹者起缺者完甲者高部者明狹者廣大殿飛 蛛網蝸涎金彩剥蝕頹垣壞宇雪遠風養擇雖有經管 擇耳院距余居脈去城遠近相若余音來遊瞻像設則 未詳古徳相傳昔有發地得佛相如藥師故院因以名 大城之北百步道收而東又二十步有院馬建置甲子 意在落落也余官遊久一旦還家過之則向之敌者新 僧以律居之族派支分後皆絕其有傳者獨老比丘宗

樓堂惶麻麻寮室庖井次第周列金鋪璇題結構精麗

百是 養釋 梵神力所持檀那願立所就耳此土諸山坐 是念上報佛恩以是因緣成此勝地余曰光新寶所師 散華敷崇筵楊使後之佛子安住禪那得大善利我持 洪鐘遞扣響答數里余怪問擇曰是何因緣有此殊勝 智囊金盡於此矣於我法中是為像教树佛集徒燒燈 偕他力我院無常住一壠之饒鎦累黍積丐乞以成心 功難量若以報恩無有是家且瞿曇初生一手指天 大道瑪地入濱廣凝土度木興大佛事如壮士展臂不 足 再之到

**欽**定四庫全書 虚空盡皆消殖師於此際名何為佛以何為恩復於今 當是時天不能益地不能載昆蟲草木無安住地十方 手指地周回七步目顧四方曰天上天下惟我獨尊正 山非報也風鈴百級霜瓦萬極非報也金絕經道寶網 我恩報是塵非法一切俱空見墮斷減云何造寺名報 我今何在為復論思恩不自思若欲報思報不自報佛 佛恩設復有人以大勢力與大蘭若金剛為地白銀為 日謂何為吾欲以何報若言有佛是謂謗佛若言無佛

若干形若干聲音若干臭味若干名品若干動轉峥嵘 **寂歷遍界難藏我佛衆生互為主伴若能如是則塵塵** 谷達道園林莹觀舟車井白虎児虬龍雞豚無鼠乃至 然師試自我求之盡天地日月山河國土城府盧落溝 光明破夜無量實聚塵切莊嚴於諸佛法了無交涉雖 鄉鄉氣成雲燈光鑑光妙湛實光無垢摩 尼圓明淨光 羅空非報也圓頂如星繼徒如塵非報也先明轟雷膜 拜震地非報也爐鄉華鄰多伽羅鄉多摩羅城清妙之 **关 那 文 頻** 

嗣師教云 曰善哉我於佛事抱實號窮仁先所陳水消死解我今 佛事刹刹實坊十字見成何勞造作擇聞是語合掌讚 成都文類卷四十 慧覺義學該貫孫慶海得江湖化度忘延慶洪能 海具光信力年三十祝髮受具今通八十精健絕 我所見一動一静一石一木歷歷知歸敢請大 網余笑曰有是哉乃為之記擇俗姓李氏於 

成都文類卷四十二

詳校官左中允臣班五珠 助教臣常循覆勘

校對官學正臣周與公總校官知縣臣緣 琪 腾録監生臣 茶

踮

久已り上上十一門 中間楊子雲立漢哀平新养際號為名儒聲光馬馬 Course Class 利を記せ のはなどがは 日間間間は北京大学の大学 於無知而伸於有識盖 扈仲崇等 何涉 編

稱號用淫虐暴恣以成其一切因不服識所謂揚子雲果 仰也王德數盡中原潰喪王建由草竊進攘蜀土僭立 宅歸然下據不被廢徹亦足以信其材度藝學為世所 如蠅管營侵侮謹遠之聲未窮而氏姓俄變猶子雲之 游明所以景行嚮慕入魏晉李唐其間與表如蝶薨薨 墨池存焉後代追思其賢而不得見立亭池端歲時來 雖千百年亡輒衰貶有宅一區在錦官西郭監巷著書 何人也宅與墨池垣入官界為倉庾地至知祥昶世及

金河也是百里

之且言子雲八十一首十三篇建他箴頌其詞義與遠 提刑司田郎高侯惟幾乗間獨至睹荒地渺莽浴嗟久 **淟泥失方議疏革而公退追入覲事用中寢明歲戊子** 徒環堵儒官彌益污辱慶歴丁亥今相國集賢文公適 積廪化作灰阜城平生者因其地改創營陽以休養卒 皇朝仍而弗革淳化甲午紀順冠始亂放兵燒掠隆隆 吏尋遺趾重疆以還其舊然屋已名龍女堂池復湮塞 為是都尹有中與寺僧懷信詣庭言狀公數院累日命

文定四草全

成都大類

地弗振何退諭賢僚名即飲俸餘以圖經構知尹直驅 總諸公儀觀列東西序池心葉置亭其上日解嘲前即! 審曲率有意思直北而堂曰準易繪子雲遺像正位南 叛吾教就他說以自誇者亦欣歡忘的來相是役辨 說命取良材凡助其用都人士建田衣黄冠師雖平 有程公學據壹與人推宗師扶東殿流敦尚名義聞而 指以為孤陋用其道反無其迹如母善求俗之風將墜 山生澤浸上與三代經訓相標樣士大夫不通其語 飲定四車全書 四 服故舉動建置皆可師小子不文承命恐快謹為之記 時慶歴八年 垂苔森列氣泉藹藹三月晦凡土木點至之事畢成君 子謂高侯是舉也扶既廢補久闕其激勸風古雖古人 愈洪無枯酒應文章麗審據法裁被若衣藻火以退異 不過別夫資識端亮學術雄富若導積石引長河愈久 際軒楹對起以須憂會曰吐鳳奇葩雜树移植交帶 揚子雲宅辨碑記 成都文類

故其西之八十里江之南石紐禹所生處而班氏謂岷 益山記曰岷山去成都五百里有岷山縣江源所起 國曰岷山江所出在梁州南街山江所經在荆州李膺 那有田一堰宅一區禹貢曰岷山之陽至於衛山孔安 之第稱日揚雄定與像追此存馬令為道官而揚季官刻揚雄像此即揚侯爾以雄名最顯後人慕而揚季官也揚內遊江上處巴江州中國經有揚雄定并洞洞前 至廬江太守漢元鼎問避仇復遊江上處岷山之陽曰 前書傳揚雲之先揚侯逃於楚巫山因家馬廷漢之與 てこうき シュー 城西北二里二百八十步揚氏蜀王本記云蜀之地本 治廣都與鄉後徙居成都秦惠王遣張儀定築成都而 草太玄也蜀記曰草玄亭即楊雄草太玄所也宅在州 都四十里則那不在岷山之陽明矣蜀都故 關曰中與 山之陽曰耶採屬之誤耳且岷去蜀郡五百里耶去成 縣之今州子城乃龜城也亦儀所築縣經曰縣在子城 寺即西漢末楊雄宅南齊時有僧建草玄院以雄於此 西北二里一百步今草玄亭廢址乃其宅去縣僅二百 成都文類

日太古之時六經之道禁于天地混茫問天下之人不 极之好固亦有馬予因辯其誤意泥古者止以班史岷 步與二說符矣益州圖經有揚雄坊而郫無楊雄宅郫 陽之即有宅為然 也包豈耶乎别即與岷殊不相涉史氏務廣載備言据 亦不載揚氏遺事是知季五世傳一子世世為成都人 何霖澤民作堂於碧雞坊之右名以醉經丐予記之記 醉經堂記 張商英

對穴匹庫全書

とこり 日本 法仲尼乃為之賞罰而絕糾之六經之道自是始備聖 馬至周末而變諸侯卿士無德可頌號吸耐與悖于典 豆之事闕而不講君臣上下賓師朋友之間無以相接 周公斟酌以勞萬民於是四海之內皆有士君子之行 知所以養身之具乃相與污尊而杯飲茹毛而啐血姐 有聖人者作乃調和仁義道徳之街造六經以薰酣天 人以清賢人以濁君子以厚小人以薄仲尼既沒諸子 下之人伏羲神農之時沉濁以厚克舜文王涉而清之 成都文類

然以和及其沉面也静聽而不聞說說之音熟視而不 多少でなる言 故韓愈嗜而美之曰孟子醇乎醇首與楊大醇而小流 之口腹楊墨苦而薄莊老淡而為使好之者情然在感 之徒剽攘糟粕之餘而失其傳私售其說以腐壞天下 形則累自不櫛世南之髮忽而爭則樂詳擊地肆而狂 見外物之華古然忘家則三歲不窥仲舒之圃塔於遺 也古之人常醉於斯矣其始也其色洒然以恭其性陶 而不可責以正禮孟子首卿揚雄復去其澤遂復職厚

とこの見べる 安而服之而人材華出公卿相望高文絕武鉅徳殊勲 醉人也如此今澤民既醉於經又能作堂以為醉所鳴 鎮社稷光邦家者率由此選故世號進士為將相科蓋 國朝設科取士之制名謂之因隋唐之舊實肇造一 則接與歌鳳悲則賈生慟哭喜則買臣行謳蓋六經之 成憲其者之甲令綱紀條目鐵悉微客精審明白天 子澤民年少而量洪吾安知子之不為醉,翁也 聚桂堂記 成都文類 常環

試於廷一切按法無敢慢至公雖有思神不能獨建髮 謂榮者祭其無私而已思澤因緣爵公封侯者尚矣而 代取士之極功故士以進士登科為榮馬夫天下之所 **超士子就規矩繩墨之內而自見豪邁不羈之才是以** 朝多得賢下军失職雖不用三代取士之殘法而盡出 須臾之幸 有司謹尺寸鉢忽之間而每獲魁梧非常之 其自鄉黨所保任郡國所貢薦禮部所程考至天子親 三代取士之本意雖不侈三代取士之虚稱而盡收三

多分口不白言

欠足の長台書 議大夫治平二年一人曰構朝議之子也為朝奉大夫 夫曰文禮之子也長為太常博士次為朝散大夫贈朝 宋氏登科慶歷五年二人曰右賢曰右人皆贈朝散大 隸邑也宋氏家雙流而雙流以進士起家始於宋氏凡 於延壽佛宇而延壽在雙流之東門雙流者成都府之 後士有公進惟士有公進然後天下祭之况於一邑之 世莫之紫也蓋天下知其私爾嗚呼惟天下有公法然 小一家之中而登科者躡踵宜予蒙桂堂之作也堂作 成都文類

請郎崇寧五年一人曰京太中之子也今為朝散大夫 大夫教子之美而熙寧中邑令尚書屯田員外郎徐侯 也色人既祭宋氏登科之始又祭宋氏登科之多推本 子孫縣四世自博士至朝請祖孫再世而皆大夫之後 贈太中大夫元豐五年一人曰良孺博士之孫也為朝 九思嘗揭其所居坊曰藂桂故堂名用之且圖宋氏自 府之兄曰亮之子也今為迪功郎自朝議至迪功祖父 太府少卿出知邠州宣和三年一人曰行太中之孫太

宋氏其來遠矣大夫有隱君子之德有今聞於其鄉弟 能去者不知幾何人也則為善者不亦用勸失乎雖然 章煌煌而英風秀骨容貌出類其咨嗟歎息徘徊而不 使吾己之衆歲時大和會過堂下瞻望宋氏之一門服 登斯堂見大夫之像則莫不樂其質父兄使吾邑之先 大夫以來像於堂上邑人之語曰使吾邑之冠者童子 生文人登斯堂見博士朝議之像則莫不訓其良子弟 曰堂樂賢良方正科深春秋學名見國史博士健奏挺達 成年文領

又以鎖廳年尤少未壯辯洽有祖父大略夫善久者積 檢潔喜自晦匿太府初鎖其應取科名歷部版曹天官 意占屢典州兩為尚書郎文學政事祭謹一時朝請雅粹 送太中迎親知彭州詩也太中受知神宗皇帝數稱上 使者太守東坡先生所謂文人今年二毛初登樓上馬 悟死生之說朝議佐邦領郡有迹未老勇歸見其子為 遂貳光禄太府年少立朝不阿附詞藻煜然迪功權第 不用扶又曰秦韝上壽白玉壺公堂登歌鳳將雖者贈

**欽定匹庫全書** 

|名之襲冕裳與腳之繼不斬不斷譬循源之往也無窮 務於詩書慎惟淬磨晝夜勤苦若有物迫逐之然則天 而甚長是所謂餘慶也今宋氏五尺之子三尺之孫競 也宋氏之積厚乎既五世矣則其來者可知也或曰宋 厚積厚者報長宋氏之善久乎視大夫則其上世可知 嗣酒雞續飯囊非所謂福也惟禮義忠孝之傳業行聲 氏善久積厚而累世之仕者又皆聰明雋拔獨未大顯 何也有應者曰聚與忽起一朝不仁而貴富生兒豚犬 **裁 耶文** 頻

詩亡而後有春秋有詩則春秋無復勤聖人之筆削然 多灾匹库全書 則詩通子書詩與而禮立樂成無詩則禮樂無以發揮 六經皆主乎教化而詩尤屬六經之用是故易以盡性 之報宋氏其可涯也哉 則詩之古不其大乎故孔子刪詩之後而為二百四十 而情性寓之該則詩通乎易書以尊事而事變達之詞 二年之褒贬孟子尤長於詩而有七篇之書其與風雅 杜工部草堂記 趙次公

員王佐之才有意當世而骯髒不偶胸中所為一切寫 無聞馬至李杜號詩人之雄而白之詩多在於風月草 區惜别已失於漢華麗委靡又失於六朝唐自陳子即 J. 5 .. ... 之以詩其曰許身一何愚自比稷與羿又曰致君克舜 木之間神仙虚無之説正何補於教化哉惟杜陵野老 王摩詰沉涵醇隱稍為近古而造之未深其明教化者 明教化無異也自孔孟微言之既絕而詩之古不傳區 |再使風俗淳此其素願也至其出處每與孔孟合尚 成那文題

詩之意也天下後世由是識曲阜之履爱甘常之木誦 荒蕪之數在南所得為多則南之精类凛然宜安新宫 也而卒未免於嫌忌致同他有蜀道難之悲我公以甫 鏡行藏獨倚樓則有在駕再顧赴期肯來禮數非不宽 **憐終南山回首清渭濱則其遲遲去魯之懷勲業頻看** 之與追而樂之矣僕甫無恙其遇公也受知之篤始終 氣味之同神交於今日而况問閣有揖遜之風松竹無 不偷嚴公視之得無作乎彼之畴昔論詩熟與今者刻

人元日三八八 實任事無易張奏者維予寵嘉之第對連遠奏能為朕 也已而曰朕得其人矣習先王之典章憲度重之以篤 帥 不嘉靖以行予憂異日宰相選第一二臣以聞上弗許 惠而鎮綏之以休寧其父兄子弟以厭其體場戒翟之 紀與已未天子間然念全蜀之民久收於兵會成都請 其詩以知教化之原豈不自我公於之邪 一問於二三執政欲倫文武智畧関博之士俾之保 之 成都文類 喻汝礪

與之策上嘉納之天語褒異日朕當真諸坐右且得旨 使公頓首奉詔入辭殿中具奏所以飭正盤敝恢鴻中 大事其去朝廷非是而公請行益勤於是尚韶中書門 聞上太息良久曰朕顧張盡祈學行能是應陪禁懂策 上有部蠢敢不承宰相又曰公母建俟聚堂尚熟議之 行乎其以朕意召而谕馬宰相其述上古公作而言曰 金少に石る言 公日上之使而命盡盡其行矣奚議之為宰相以公語 下以吏部尚書張素為實文閣學士知成都府其安撫

時剧門廢備儲會單耗有司責糧急甚人心寒懼公迺 無何敢人果寒盟城夏穿塞霍蕩三輔巴蜀震動當是 遺處動寬大之韶錢板宣布蜀人呼舞至相與泣下居 函洛歷情渭治 遐矚子二周三秦之形勝因得與宣撫 浮荆野道夔巫以入蜀公行至京口乃更請由宋汴走 上之所以夙寤晨與念慮遠方之意與夫所以臨軒慰 司規所以隱蔽杆衞庸蜀之計詔從之入蜀之初廼推 下令代以官栗至秋賞馬軍食豊盈民不怒疾蜀距行 成都文類

便民小吏墮,偷以督責為生事事滋不治民冤無憩上 弊極矣知所以張之而不知所以施之知所以用其利 民用月額父媪流離敦天不開公帝然曰煮海榷酤之 非美配各聽分位問者鹽酒之法日益廢壞更務便文 而親决之領畧判斷支分葉解十縷萬牙細見毛脈是 因公寬恤全蜀公性儉勤厲鍊核庶務乃引四路之訟 在所幾萬里郡邑解慢諱職不問大吏養交以首簡為 而不知所以核其樊川縣之吏於書錯數計日而責馬

多为四届任言

窮寡貶伐貪濁扶起廢滯以為屏維四川悠久亡疆之 苦必思所以拊摩而飲藥之其要在於建畫長利存定 緒求盈虚損浮蠲乏人不告病與申之春歲惡蜀餓東 敵人乎並狀其事以聞有語嘉許於是州縣奔走事令 殆未有以愿之也其何以支悠遠厚死亡隱西南而盐 貧飲茹窮燥閉雅之豪不敢牟利唯公恫視蜀人之疾 以全活者亡愿六萬餘人又命寘四場於城中建鰥分 山之民羸餒日甚公命海惠僧真惠作體淖廪給之賴 减 都文類

人始得以飲食滋味暖乎公之德於蜀如此而意猶未 壤肥好士清書工文章民服水流田栗稻麻客隣伍往 展也復念文翁以道訓蜀諸葛武侯以義保蜀張忠定 細意養活財貨運行諸産遂長士農工買各有次行而 來盤餐酒聚自敢結難而對人始騷失建公保糧而來 姓改者章将聞詔皆賜可嗟乎蜀大國也泉流甘清土 冒濁尚容漁奪百姓者振士大夫之淹滯而開其磨勘 計於是子絲殘更之程督不時前期邀功者蔥污更之 金少正五人 アスショ シュー 告成劉石為砰二十有六蓝錢其詞于堂之四周次第 十萬有竒創手於紹與庚申八月丙戌訖季冬之て亥 昭斯文之光子甚自愧乃斥公帑之餘弗匱府藏弗勤 而斯民是爱顧其祠宇距城不能五里寫珍權剥何以 少陵詩歌一千四百有餘篇考其志致未嘗不念君父 不留昏埃神來神去照映羽衛居頃之又語其屬曰杜 民力命僧道安董其事增飾之愿工一千五百計泉八 公以鉏惡表善治蜀乃即其廟宫而治新之辛勤扶刮 成都文類

注鼎科居久之升柱史遂司帝謨作典詩文書抗直議 倉浪亭事並院花竹柏濯濯可愛縱觀詩码公顏口考 于誠正堂公曰屬治草堂小異吾儕盡往觀馬舒已有 石多所日矣願得公文以紀其事汝礪謝曰公自妙戲 與出郊謁先主武侯関宫遂入草堂吊少陵之遺像飲 甲乙毛末不欠辛酉孟夏汝礪以職事見公授之次飯 則論者之昔之風人叙君臣父子而訓之禮比兄弟朋 斥天下之病皆開物成務之文而汝碼所難也辭不可

·新分四月至1

欠足四年全等 四 叔史克嘉父之流愁悽乎怨思目美乎誦聲是皆切錯 佩於一堂之上父坐子立難難俞俞於置庭燕豆禮樂 餘扶珠宛轉附物雅容而不迫悟悟乎如揖遜議論冠 亦如此根於忠信孝弟著於君臣父子夫婦朋友其紆 美惡分學善敗典圖崇替而鑑燭後世也少陵之詩故 善馬鼓舞咏物之不則譏切箴誨之尹吉南召穆公仍 役宫室幣帛衣服池臺數澤益耜鹹梅酒體而制之數 友婚州而詔之義襄宗廟當享姓起賓旅禮樂征伐戊 成都大類

湯滴飛雲屑雨之聲吁不得盡其極也易曰通其變遂 於肯綮衆虚之間寓之於無所終始之際激之以海水 通道達物也越越乎其抱一神明而貫局萬類也游之 之變行追縱肆無乎不備忽忽乎其能化也就就乎其 身而親遭之其於治亂隆廢忠传賢否哀樂竹慘起伏 成之棘數哀怨疾痛傷驗隱関亡即之聲不則迫及其 義恭儉搞馬增傷惡惻當世婦子老孺之騷離賦飲在 之間至夫陳古悼今勸直而懼伎柳淫侈倖巧而崇節

其所以春春於少陵之詩乎故曰再光中與業一洗蒼 做肅代之所以中與次為雅頌釐為變風坐而第馬可 也今公治蜀其所以爱恤斯民之心見於施置如此此 陳之而吳公子礼觀馬則昭陵之所以帝天實之所以 至文也哉斯文也償使申公傳之李克受之河間獻王 成天下之文嗟乎非盡天下之至變何足以成天下之 生憂誠公之志也 歟 讀書堂記 鄭少微

徒有其說而已是三千之徒其見六經蓋或未完也而 其多學者以博覽為賢六經傳者以至百氏世傳之史 其退而不仕者亦淡然適於性命之情自諸子九流紛 孔門高第類有王佐之才其下為將為相者咸者績業 書浸沒多失然詩書易春秋皆待孔子而後成禮樂則 豈有書可以誦習哉而稷契臯夔卒為萬世師孔子時 古之文字未煩悉也稷幹皐夔之生典謨尚出其身後 紅於後世書至汗牛充守而顓門立黨口授筆傳不勝

欽定四庫全書

誠不止於簡冊間數予友房少猷年少為遊獨往特立 能佔畢而諷急就及激於義理則出詞制行往往萬卷 讀書之與不讀未可議夫損益也今夫問問之人初不 無乎不閱然而人材愈陋事功不韙莫髣髴於昔人則 既以漁獵之矣曰未也下至卜祝醫治之術釋老之教 北蔡堂馬名曰讀書謁予文記之予謂書不可不讀尚 五車學士忸怩歎息不暇豈道徳之運在神潛而心得 不為瑣瑣計顧嘗杜門揖古人而與語方新其所居之 ) 龙印文版

鞭辔而後即馭之妙自規矩而後造匠之巧室藏典訓 楊厲乎聖涯汎觀詳說志氣日益靈可以至失而猶見 得者果何等耶則茲堂之成毀君或未自保也雖然由 笑於高人以謂君之所能者書耳中有物馬伏羲之所 不得其所以讀則不如不讀之愈也君今徜徉乎文囿 不能畫蒼頡之所不能制君嘗試掩卷茫然以思適所 不陳者姑如是馬可也必拘拘然不徹于象數之外茲 以示家法固度越靳券昇崇廪帑者干百倍夹蓋不可

欽定四庫全書

以對 當用者間有傳馬欲違之以從吾私勢不可也上古穴 為泥何也日古之道難施於今者既絕滅無聞失今所 葬之中野後世聖人易之以棺槨上古結繩而治後世 居而野處後世聖人易之以宫室古之葬者厚衣以薪 古今一時也世或是古非今不以為矯居今行古不以 近古堂記 旦有輪人過君堂下其將何詞 王灼

一欽定四庫全書 若聖賢之教化德澤行國中被天下日遠世衰尚一二 禹阜陶二謨皆首稱若稽古三代之與文質迭尚固有 知之百年而傳用此治身用此治人古道賴以不墜至 之心迹做失有君子馬或見而知之並時而傳或聞而 建立故祖述者其正也變通者其權也日遠世衰聖賢 損益亦各有所因蓋例以古為師未當聰明自喜妄有 聖人易之以書昇發通盡利何事於古也然竟舜二典 可觀則君子又喜為之稱說孟子曰紂之去武丁未久

析而重氏族民尊更而畏法農夫合親以相助此近古 古之譽子柳古之道果可經慕至此極也元豐初眉山 遺風夫紂去武丁雖云未遠祖孫相望蓋九世矣晉信 守居作樓觀大蘇先生記之曰吾州之俗士大夫貴經 君子能明其未泯與所未遇者告人豈欺眾耳目要好 公之時距克已千五百歲其皆餘教未派舊俗未遷而 也而謂之唐本其風俗憂深思遠儉而用禮乃有堯之 也其故家遺俗流風善政猶有存者蟋蟀詩序曰此晉 足印之類

故鄉養養其俗又若識刺今之人不如昔欲躬振起之 名其堂春音楚奏示不忘本亦可謂有志於古矣漢良 劫定四牵全書 良果能貫之以一則過去見在未來如夢幻光景了無 者數年始歸從桑門語决心要又若身世相忘晚乃懷 少通家學多識前言住行若將與時競壯而自放江湖 者三先生曾姪孫漢良今占籍成都取記中近古兩言 何其多轍也予聞桑門與古謂十世古今不離當念漢 可擇而吾妙用行其中尚遠近云乎哉

為虞部員外郎李畋門下士工詞賦六預鄉書兩居首 鹽泉縣為嘉眉州考試官得人郡守監司交章薦以京 **究出身丁母喪服除調綿州巴西縣主簿後遷幕職知** 選通易詩書春秋論語講授諸生四方從學者不下數 秩時年六十有六秩未滿謂子孫曰吾晚籍仕版禄不 四老堂者華陰楊審之所建也審父損之字盖之甫冠 百人每陪計信登第者甚聚元豐中試特奏名賜同學 院花四老堂記 郭印

欽定四庫全書 諸公所舉京秋上書固辭遂告老授通直郎繼以覃沛 欽慕馬漢翁年八十四晦之八十一子臧八十二益之 轡坐則連席春畫秋宵一觞一 該有無窮之樂鄉人咸 皆以恩免得官致仕陞朝朱衣象笏颙颙雅雅出則縣 郎掛冠歸即選其間是為四老唱和詩中可見矣四老 漢公承議郎楊武仲子臧游其後楊咸章晦之以通直 轉奉議郎錫六品服雅容里社日與致政承議郎任傑 逮親吾欲謝事庶得一朝官恩及泉壤人子之願畢矣

北斗如前四公生水平時晚得一命儉廪未豐乃退而 避地商山至漢髙祖亦不能臣後世仰之不啻如太山 録四老詩併刻于石其意甚美嘗謂昔四皓當秦之末 畿之子雲 曳高之弟允恐湮没不傳屬余紀其始末因 成審無繼殁高亦亡而士夫瞻睹必問所因僧莫能對 圖像以示方來審析然從之蓋大觀四年三月也堂既 老平時蕭散于此欲繪其生而未之遂迺請于審築堂 七十五以終審弟畿泉猶子高當坐普賢僧舍版念四

成都人有隱而不仕曰馮氏之老者君子人也嘗於其 當途之流競也夫紹興十五年記 視四老獨無愧耶嗚呼四老其可以為世楷式可以警 忍舍甘與後生晚華斯有接武於權要之門為家指目 欽定四庫全書 家闢地而為堂期於疏明峻潔而止不務飾也堂成則 同心相幹也世固有曳紫垂金龍鍾耄齒貪戀爵禄不 附居詩酒共適終其天年雖與四皓出處若異而道相 盤古堂記 師准父

獨不見夫日月之運行與寒暑之相移處然如浮雲之 子之所以監於古者豈以今為不足也數今固陋矣子 然思忠嘗向予語其父子者數其必有異因為之言曰 忠而求記於予嗟乎吾不識馬氏安知其所得者為何 也乃相與名其堂曰監古以志其所得因吾友人黄思 實其中朝夕游馬樂其百味而莫之厭也然不欲獨擅 遂出金錢盡市古以來凡有名經書子史百家之說以 則又分其所啗嗜者以遺其子其子樂之亦猶翁之樂

|欽定四庫全書 聖為哲失尚美待於外哉吾以為不然古之聖哲莫過 所謂必有監於物者皆不足乎已者也苟足乎已則為 已者之為耳嗚呼其事如此而吾安得訾之然而世之 馬而不可得則乃於古而盡心馬蓋亦離物違人不得 眼也世衰道微邪說暴行有作君子不幸而罹之欲 逃 韋氏之前亦將求所以為監哉吾知子有所不能且不 相去不能以寸而子區區然欲監之且使子而生於稀 得喪而不可留也即而推之則自今以上者皆古耳其

時之祭溺於聲色之奉而忘恐懼之心如是者法必亡 宜吾君子望而去之幾不能與之並生而必思所以及 獨其名愚而自用賤而自事傲然於志得之地而**使** 諸故當論之有聖哲之質者而後辭其名而不居自居 以聖哲者必無其實者也天下之禍莫大於無其實而 免稽於古先監於前後是以道德光輝而聲聞愈隆歷 百世而不可掩別惟中智而又生於聖人之後其可忽 予竟舜禹湯文武周公六七 君子者失考其言行猶不

吾私怪馬氏父子出於兹時而能不以世故異其心馳 欽定四庫全書 予闢雲粉凡二年其臨流眺遠坐倚行吟與夫鳴琴對 惡者不相逐也安知馬氏之不我同乎 特據其近者而記之得無愧其求乎雖然人之所以好 聘上下用力數千載間不為不至卒然而名其居之堂 之也傳曰見善如好色見不善如探湯馬氏其有馬然 日監古以志其所得此必有幽深難索之理存馬今吾 獨有堂記 郭印

首湛分或存不侣萬法而飛潛動植智恩貴賤無一不 混者是之謂獨獨全於道者也在太極之先出庶物之 於獨者也惟同乎物同乎人而於同之中超然有不可 夫世之所謂獨者蜕迹塵泥谷栖澗飲違物離人而立 不拒其入來者必與之游堂名之揭何悖哉予應之曰 獨住獨來是謂獨有之意客怪而問馬子之雲 谿過者 五歲誅茅定礎植堂馬字以獨有取子莊子獨出獨入 弈賞花釣鯉之所略具而宴賓朋列圖書則闕其地後 龙印文领

欽定匹庫全書 知其所以往來憧憧派行至老且死可悲也有能於出 立卓爾回之所謂卓爾其周之所謂獨鄉予觀天下之 子曰仰之彌馬鑽之彌堅瞻之在前忽然在後如有所 和馬其見聞與人同而見見聞聞與人異顏淵之數夫 有唯聖人默昇之冥冥之中獨見晚馬無聲之中獨聞 入往來之際知其所以然者斯可與語獨有之義矣容 人出入乎户庭而不知其所以出入往來乎道路而不 曰唯唯遂書以為記 7

**盲者無達觀廣奏盈耳贖者絕瑩聽知信可之深者能** 者或無其人豈信可所以命斯堂之言子夫昭曠在前 觀會萬家於一收錯微塵於無極能以是為燕遊之適 遊觀之娱不啻千萬至於美淡薄之至味顧幽寂之華 里鬱葱華潤其間隆堂城宇崇臺延閣覽物象之奇極 郭信可於所居之西東作堂以為燕行之地撫蒙莊之 言命之日獨有屬其友馮時行為之記夫西州沃野千 記 馮時行

**数定四庫全書** 静南堂超人我之域過有無之量及今老矣道既熟矣 皆我若何為獨非獨耶您質萬軍而莫窺其朕若何為 將以斯堂為廣漠之野無何有之鄉物我兩忘而萬物 知者獨者人之對有者無之偶信可自少時已得道於 相索於無何有之表不知者或以為病予請言其所不 也人見其於斯堂起居言笑不異於人而其徜徉榜徨 所以跨寥廓而進汗漫者莫得而見之矣信可曰子真 有非有耶此信可之所謂獨有非世俗之所謂獨有者

賦秋四百碩開五畝之宅名百塍之田於是稍斥隙土 收續甚勝金寒玉媛五十有餘年而後得寄禄第七品 吾蜀有建伯曰木雁先生生岷峨之厓長邛崍之墟出 知我者請書以為記 而師友之然其拔起甚苦其權置甚属其造端甚銳其 入於脂膏游俠之窟而其心冷然獨追正始永和之人 小堂馬名之曰淵樂會將致為臣歸老於其央間以 湖樂堂記續添 我部文版 楊天惠

之亦以志難也唯是名堂之意頗有以而或者未即晚 勤三十年以有此屋廬夫經之勤營之劇悴形思性磨 以寒暑而偶有獲馬此韓公詩之所以飾喜而予欲記 瞰之因書韓公示兒詩曰始我來京師止攜一束書辛 書戲其友東蜀楊天惠曰予癯儒也暴享此得無有物 凡語故事者夫人知其然乃予所以干載尚友之意殆 之今夫湖明渚酒樂天亦皆酒湖明工詩樂天亦工詩 不其然也子盍恃予心而試發之天惠伏書温暖曰富

たてりたい 役通濟江上腹葉雖成獨自疑其言之强鄙弗敢出也 **毀儻者先生所以取二子寧是耶抑非敏于時天惠董** 禄未見有脱遺無預者也獨樂天并介中立無所蹈其 分朝而南暮而北未見有堅明不二者也獨淵明逍遥 是其過人已遠甚然尚非其巨者也晉宋之交新故樣 論其人之天按淵明以做故轍行而樂天以直言優點 前去無所回其迹牛李之既籍易價路朝為卿而暮為 哉名乎吾有以索夫子之慝失夫論人者無論其人而 W 成都文数

要之盟哉吾意先生精奏超徹决不斯盡時無鶴母過 就徐君亡季礼挂劒而亡所爱之二人豈以死生寒久 曰送乎無與定吾文失蓋鍾明死伯牙破琴而不復敢 行且謀以身承教共定其當馬而病莫之前後一年先 以授其子伴真諸堂右 生自大邑力疾歸坐堂上委衣冠而嬗予聞之抵机哭 ありでるる言 郭指當問記之有七也輕憶枯思之遺餘稍補輕 都文類卷四十二